

老早看大轮船下水

文 / 邵天骏

茄山河

最近从新闻里看到,阿拉中国建造个第一艘大邮轮“爱达·魔都号”成功完成最后一次试航,今年年底就可以交付运营,勿由得想起小辰光看大轮船下水个事体。

当时阿拉学堂搭仔一个造船厂有联系,经常有课外活动方面个合作。有一天,听说船厂里有一条大轮船要下水。班里个几个同学相约一道去船厂个船台,现场观看大轮船究竟是哪能安全进入水,作为一次社会实践活动。

当阿拉结伴提前来到船厂船台,立刻就拔船台浪万吨大轮船个气势深深吸引。装扮一新个大轮船静静矗立辣船台浪,桅杆浪是连成一片个彩旗迎风招展。尤其让我惊讶个是,平时看到江面浪航行个大轮船,总会到船底到底啥样子生出几分好奇,大轮船又哪能会辣水面上劈风斩浪航行?

当年个我还是一个愣头小伙,对万吨轮船一无所知。所以对能够到现场,明明白白看到大轮船个全貌,甚至可以用双手抚摸伊平坦个船底,心里涌起少有个兴奋搭仔激动。事实浪,即使到了现在,我依然对造船厂情有独钟,也对与造船相关个消息特别关注。

大轮船离下水个辰光越来越近了,船台浪个工人早已各就各位,我看到船前船后个工人正辣用对讲机,紧张协调下水前个最后事项。十四点整,对讲机里终于传来了一切准备就绪个洪亮声音。听到命令,几个工人手里拿仔大榔头,快速敲松一个个木墩搭仔砂箱。伊拉操作个熟练程度,让阿拉帮点中学生眼花缭乱,目瞪口呆。

或许用了三五分钟,或许只用了一两分钟。船台浪止滑器打开了,缆绳也脱开了,大轮船一点一点从船台滑向江面,速度越来越快。好像眼睛一霎,大轮船就滑入江水之中,激起一道大浪。



老里八早

勒上海南昌路靠近雁荡路口,有一座坐北朝南个三开间两层小洋楼,门口挂了一块刻有“大同幼稚园旧址”个铭牌。迭是当年由中国共产党勒上海创办个第一座幼儿园,主要收养烈士遗孤搭党个干部子女,是一个红色摇篮。我之所以要写伊,是因为1955年个辰光,迭座小洋楼是卢湾区第二中心小学,我勒厝搭读完了一年级。

据记载,大同幼稚园是经周恩来提议、由李立三主持创办个。1929年秋,鉴于有烈士遗孤需要抚养,为革命四处奔忙个干部子女也需要照料,决定由党个外围组织互济会出面开设一个儿童福利机构。次年三月,大同幼稚园勒上海江宁路(原戈登路)附近个石库门房子里成立,园名寓意“世界大同”。勿久,该园迁往南昌路48号(原陶尔菲斯路341号)。迭搭环境幽静,由地下党员董健吾管理。

1930年11月,毛泽东妻子杨开慧勒长沙英勇就义。勿久,勒上海中共机关从事出版发行工作个毛泽民获悉三个侄子生活艰难,经党组织同意,帮伊拉辗转来到上海,进入大同幼稚园。三兄弟经过长途跋涉,终于勒迭搭有了一个温暖个家。

出于安全考虑,周恩来请宋庆龄为大同幼稚园题写牌匾,又请国民党元老于右任题写园名。有了迭两块招牌掩护,反动警察一般勿敢随意骚扰。

大同幼稚园实行全托制,先后收养约30个小囡,其中有彭湃儿子彭阿森、恽代英儿子恽希仲、蔡和森女儿蔡转、李立三女儿李特等。几位保育员兢兢业业,对小囡倾注了全部个精力搭爱心。

小囡每天起居饮食、游戏活动个安排得比较合理,年龄大一点个小朋友还要上文化课。

大同幼稚园靠近复兴公园(原法国公园),天气好个辰光,保育员常带小囡到公园去白相。大家坐勒草地浪晒太阳,一道唱儿歌,邪气开心。有一趟,全体师生还辣公园里合影留念,迭张珍贵个照片保存至今。

毛泽民搭妻子勒去江西中央革命根据地工作之前,曾专门去看望正搭小朋友勒公园里白相个三兄弟,同伊拉告别。

后来,负责中共中央政治局保卫工作个顾顺章叛变,董健吾因为搭伊有过工作接触,勿得勿离开大同幼稚园,到淮海中路(原霞飞路)一个秘密联络点躲避。就勒帮辰光,年幼个毛岸龙突发高烧,上吐下泻,病情非常凶险。保育员马上拿伊抱到瑞金医院(原广慈医院)。虽经医生急救,终因治疗无效病故。到1932年3月,一个保育员外出办事突然失踪,党组织为了安全,决定立刻解散大同幼稚园,妥善安置所有小囡。其中,毛岸英搭毛岸青曾由董健吾带回自己屋里抚养。1936年夏,党组织送毛岸英搭毛岸青到苏联学习。

当年我屋里就住勒离迭搭勿远个南昌路74弄。1955年夏,我拨卢湾区第二中心小学录取,编入“秋一乙班”。从1955年秋天到1956年夏天,我就勒小洋楼左面底层个教室里读小学一年级。我勒迭搭接受了启蒙教育,一年级放暑假前,还得到了人生第一张奖状,迭搭留下了我难忘个童年回忆。后来我才晓得迭搭曾经拥有一段红色历史。

大同幼稚园见证了一段历史,现已列为区文物保护单位,是一座有纪念意义个红色旧址。

南昌路浪个大同幼稚园

文 / 冯济民

帮种小名听勿到了

文 / 侯宝良

有趟我荡马路碰着长远勿见个老邻居,伊大名叫啥我记勿得了,张口就叫出伊小名“阿四头”。勿晓得啥道理,小名、绰号特别容易记牢。尤其是我小辰光小朋友之间起个小名搭仔绰号,经常会带有籍贯、爷娘职业、人文背景之类个元素,叫起来勿但顺口,还蛮扎劲个。勿像现在小人个昵称比较简单,往往就是个复音,像冬冬、丹丹啥咯。

当时有个邻居是从苏北来上海,辣阿拉屋里面空地浪搭仔一间棚棚摊大饼,夫妻俩生了一个儿子,圆面孔大眼睛,刚会爬就满地打滚,大家伙蛮欢喜伊,叫伊“小大饼”。伊爷娘倒也认可迭种叫法,有辰光茄山河,讲起自家儿子,就讲“阿拉小大饼”,至于“小大饼”个阿爸么,自然荣升“老大饼”,成了大家对伊个昵称。后来“老大饼”又有了一个女儿,为了照顾两个小人,伊拿乡下老娘接过来。老奶奶称呼小囡“二丫头”,邻居也个跟个叫。接下来,第三个小囡还是女儿,“老大饼”就勿许叫“丫头”了,叫“小三子”,希望再生个儿子。既没想到,“小四子”“小五子”个是女儿,一直到第六个才是儿子。乃么,就此刹车,叫伊“小弟”,勿过大家伙叫伊“小六子”。为啥?顺口呀。

至于“小名”是否叫得开,主要看受众环境。我阿姐小名“大毛”,我排行老二,应该叫“二毛”,但既没啥人能叫我。因为我从小性格内向,照现在讲法就是个“宅男”。平常勿出去白相,邻居勿有机会碰着我,自然既没人替我起绰号。屋里向,外公、外婆、爷娘、阿姐个叫我“小弟”,但是迭个小名辣邻居之间缺乏群众基础,所以叫勿响。至于我两个阿弟就勿一样了,伊拉从小欢喜辣外头白相,邻居就习惯顺仔“大毛”开始算,跳过我,叫伊拉“三毛”“四毛”。自家人听惯了,也就此当伊拉小名喊来喊去。

有些小名里向还有故事,比如有同学名字里既没“冬”字,偏偏小名叫“小冬”。据说伊生辣一个特别冷个冬天,爷娘敲开冰块汰尿布,冷得难忘。一个同事名字里既没“秋”字,小名叫“阿秋”,因为伊生辣中秋节。据说伊姆妈挺仔大肚皮辣公园里看菊花,或许是花粉过敏,“阿秋”一声喷嚏打出来,顿觉肚皮痛,马上送医院,小人生辣半路浪。每当讲起帮眼故事,小辈应当对爷娘有感恩之情。就算辣鼓励大家多生几个个今朝,帮种小名也听勿到了。

舞茸翩翩拌柿子

文并图 / 沈一珠



字属于写实主义,一蓬棕灰调子个花朵,又淡淡交镶一圈米白调子个边,颜色搭得斜气高级。

讲来讲去,好吃是顶要紧个。灰树花勿像大部分菌菇,软绵绵,滑搭搭;伊口感比较爽脆,用高温油快速炒熟,封牢伊个香味,合好咸淡,拌饭蛮入味个;或者是选几样秋天当季食材,拌一拌,老好。比方讲,菌菇拌柿子。

准备一小盒灰树花、一只火晶红柿子、半盒绢豆腐、几粒白果、一点白芝麻、一点芝麻酱。绢豆腐比较硬块,适合凉拌;切小块,焯水、沥干;稍许硬一点个火晶柿子一只,去皮切成小块,撒点盐腌一歇;三五颗白果烤熟,去壳;灰树花汰好,吸干水分,锅里烧热油,拿灰树花一瓣瓣拆开摆下去,勿要多翻,煎到焦黄,会有种海鲜味个咸香,撒点盐盛出来。用一只深盆,拿适量芝麻酱、盐、生抽拌成酱汁,豆腐摆下去拌匀,再依次拿灰树花、柿子和白果摆下去拌匀,撒点熟个白芝麻,软绵绵,糯笃笃里向,灰树花爽脆鲜香,让人惊艳。

“旧年”“开年”是何年

文 / 叶世荪

无限寿,长取新年续旧年”。

到了明代以后,以“旧年”表示“去年”的用法就十分清晰了,如:《西游记》第九十三回:“旧年今日,弟子正明性月之时,忽闻一阵风响”;《喻世明言》第十一卷:“旧年曾作登科客,今日还期暗点头”;《初刻拍案惊奇》第五卷:“今日之事,旧年李知微已断定了”。

清代的许多文艺作品中,更是让“旧年”连带月份、季节一起出现。《红楼梦》第三十一回:“可记得旧年三三月里,他在这里住着”;《八洞天》第八卷:“单氏不知就里,只道她旧年五月中进门,至今生产恰好十月满足”;《鸳鸯针》第四卷:“他往江西做生意,还是旧年春上去的”。这些明确表示“去年”的用法,在上海话里延续至今,上海人说“旧年”一般指的就是去年。

“开年”指的是等待新开始的

那年,即明年或来年的意思。沪上有首反映旧社会贫苦生活的民谣《诉苦歌》唱:“今年望望开年好,开年穿破棉袄。”还有一首我们小时候很流行的童谣:“谢谢依,拜拜依,开年卖脱依!”以上的“开年”都指明年。

其实,把明年说成“开年”由来已久。唐代诗人李商隐《宋玉》诗:“落日渚宫供观阁,开年云梦送烟花”。清代学者冯浩注释此诗曰:开年,明年也。元代杂剧《盆儿鬼》中:“小人开年八十多年纪”;明代《初刻拍案惊奇》第二十九卷:“到得开年,越州太守请幼谦的父亲忠父去作记室”。这两句里的“开年”用法和现在的沪语基本一致。上海话中还有一句比喻无法实现、绝无可能的熟语,叫做“开年礼拜九”。“礼拜九”本来就不存在,开年之后的礼拜九,就更是明年复明年、遥遥无期了。

沪语趣谈

对上海人而言,题目上这个问题的答案是:去年和明年。

“旧年”一词在明清以前,说的未必就是刚刚过去的那一年,而只是遥指往昔,也可能是前年或更早。南朝文学家鲍照的《凌烟楼铭》中“悲积陈古,赏绝旧年”,就是指去年的岁月。唐代魏泰古有诗句“是遇皆新赏,兹游若旧年”,其中“旧”只为呼应“新”,具体指哪年不是重点。宋末郑思肖的诗句:“旧年同笑语,今日独登临”,其中“旧年”指元蒙灭宋之前的时代,是亡国诗人对往昔的追忆。当然古人也有用“旧年”一词比较明确地指代“去年”。唐代张说的诗句:“歌舞留今夕,犹言惜旧年”;“惟愿圣君